

兜率衆神頌

從於睹使天衆依怙心 涌出新酪纍纍淨白雲
遍知法王妙慧賢善稱 願同法子於此降來臨
面前空中獅子蓮月座 至尊本師熙怡晏然住
我心皈信無上勝福田 宏宣聖教百劫願久存
正知縱橫遍了明慧意 賢士耳根莊嚴妙善語
道德名稱光耀端肅身 見聞憶念得益我敬禮
奪意妙供種種功德花 異香燒塗燈明衆香水
實設意觀普賢供海雲 上師殊勝福田至誠敬
我從無始時來廣積集 身語意三所作衆罪等
三部律儀違越諸品纏 至心痛悔猛勵各各懺

濁世多聞勤修恆精進 有暇圓滿大義離八風
依怙創修廣大二利事 我等至心繫念作隨喜
具德無上最勝諸師尊 法身遍佈滿空悲智雲
如其調伏如何作調伏 深廣正法雷雨普願興
淨光本性而生雙運身 所現不起滅沒諸衰損
化現庸境粗分色身性 願盡有際不衰常久住
盡我所有積集諸善根 興隆正法饒益遍有情
尤願法王第二宗喀巴 聖教心流恆常普光映
無緣大悲寶庫觀世音 無垢大智涌泉妙吉祥
摧伏魔軍無餘秘密尊 雪頂智嚴善巧宗喀巴
賢慧普聞足下作白啓 生生世世由勝宗喀巴

爲作大乘善知識之力 願於佛所讚歎善隱道
雖剎那頃亦不暫捨離